

# Ashekhau Kughathabenikeu



Akumzapu Kuchouqo  
Kiphi Kichekutsu

19



## Xakuthamiqo

ye Xakuthami lo ani - phisu ani- kughaxathabeve ani.

Xu akemiqo kumtsu kuxu ghili thokha kumtsu ghili kighithiu Lhou gizulono phukide junikeu tsala hu kupunushevae” (2 Korinthiami 5:10). Hipau tsa no omulo shithughui momu shikumusakeu shikevilo, ikemu omulo kumtoshieno phu julo. Akiphi kichekutsu hipau vechewono timi

asale no kughathabevenikeu tsakiviu Piyekusukeu phuluvea. Aghuloki bidi lono Piyekusu kaku lo kughathabevenikeu ghili phujuakeu kumla kije kiche piyesutsu akeu ghenguno Alhou she shikimithi ani. Baibel lo kughathabevenikeu ghili ghuthu qhethonhe tsupuakeu ghili noye ithi anima? Baibel kiyehmi kumtsuno hipau ghili yehpuani. Akhoto ghili hipaqoye kusuvemla momu kukuthavemla. Ninguno kughucho ighivekeu ghili akiphi kichekutsu hipau phikelono no ghi onhethi tsukholonani. Hi ithilo: Hile kughathabeveni keu ghili kokutha kuthu lono kiche piyesutsu ani. *Nono akiphi kichekutsu hipau phi kelono jukutojulo.*

### Ashekhau kughathebeveni keu kokutha atughiu


1

**Gabriel no 1844 lo kungugha lono kughathabeveni keu huthunikeu tungkuputsa pesu wo Danel tsu. Hi kughathabevenikeu kokutha atughiu ye Jisu ide ighimphi zuuno kughathabevenikeuke ipicheni.**

**Hipau pesu akumlau lono phujukeu tsakukugha ipicheni. Hipau lo khiunoqo shou kughathanani, khileno kughhanani eno kughouno ashekha shinanikea?**

**“Alhou ki lono atsakukugha huthunikeu do hu ighivea” (1 Pitor 4:17). “Tilehi amikuchokomomiyo pelo tishi amikuchokumo shi apelo, kuchhuba kemiyo pelo tishi kuchhubekeu shi apelo, eno amikuchomiyo pelo tishi amikuchoshi apelo, akimithemiyo pelo tishi akimitheshi apelo, eno julo, Niye itheno cheni, I saxu ye I gholo ani, pututa kumla kiji lono pesu tsunani” (Piyekusu 22:11, 12).**

**Khokichile:** Atsakukugha, hi phujukeu tsakukugha ye Jisu no ide kighinike zu lono kishekhabeve nani. (Ninguno hipau ghili kichekutsu kipihi 18 lono 1844 lono huthuvekeu ghili philuvea) Phujukeu tsakukugha hipau lono Khristomi ipichekemiyo kuchouno Khristo pulu chenikeo mokeno phuju ani, panonguye akithipu keo akuxupukeno phuju ani, tiye panonguye xalunikeo mokeno kishukulushi phupe qhivenani.



# 2

## Atsakukugha hipau lo khiuno kughanani, eno tipau lo khiuno sukushou shinani, Khiuno Xakuthamiu shinani, eno Khiuno akipimi tsunani, Eno khiuno thopiu shinanikea?

“Mulho tsalaqo no wo iqave ... Pa kukalaku ye muqhumuzaikeu mi mili lakhi ... atsakukugha huthuve, eno kakuqo lhaphepe qhi” (Danel 7:9, 10). “Ningu ghenguno Apuh vilo pitsunikeu (advocate) lakhi ani, Paye amikuchou Jisu Khristo ke” (1 Johan 2:1). “Apuh no ... kughathabenikeu kumla kumtsu pesu Anu pichebeve ake” (Johan 5:22). “Satan (devil) no ... ni thikuzumiqo akipimi tsu acheni, pano Alhou gizu lono putho pucho akipimi panongu tsu achenikemu paye haphaveake” (Piyekusu 12:9, 10). “Thime hipaqo ye Amen, pulubekulupu kuchou Thopiu no pi ani. Alhou wu pulhokusu kumla Pano huthuke” (Piyekusu 3:4; Kolosiami 1:12-15 lo julo)

**Khokichile:** Apuh Alhou Mulho tsalaqo no atsakukugha peitha nani. Paye ighono okimiyekutu ni (Johan 16:27) Satan likhino akipimi otsunani. Kungugha kughaki lo Jisu, Khiu okimiye chekeu eno okusau kuchou no – oghenguno puthughonani, eno ozuqhushi pitsunani. Pano Xakuthamiu eno thopiu shinani. Pano piqhi puakeuno, atsakukugha lo Pano Pa wu timiqo saphunani (Danel 7:22).



## 3

## Atsakukugha hipau lo kiu pesu xathananikea? Alhou ye timi kumtsu ghili ithianiamu kushiye atsakukugha lo kumtsu kusu anikea?

**“Atsakukugha huthuve, eno kakuqo lhaphepe qhi” (Danel 7:10). “Kithimiyo panongu kumla kiqi lono kughathabeve nani, kakuqo lo yehpuku puaghikeu kiqi lono xathavenani” (Piyekusu 20:12). “Panongu shou ililaikau yehza pesu xathanani” (Jems 2:12). “Kungugha no, kungumiqono eno timiqo no ningu junani” (1 Korinthiami 4:9).**



**Khokichile:** Kakuqo lo luthu lakhikhi kumla kughutha Yekikithi puaghikeu kiqi lono ningu ye kiutoikemi keno atsakukugha lono mutsumishei kimichivetsu nani. Puluthomiyo no akighini shikeu, amlo pebideveku, panongu xine kipimi qhivetsukeu ghili yehpuaghikeu timi kumtsu pelo ithulupenani. Alhou kuka lono Khristomiyo pelo pekililuveku kuxu lo xu aghikeu ghili yehpuaghi keu lono phuphetsunani. Tile Alhou ye Pa wu kimithemiyo shou Pa mulokiqi kije shivenani. Panonguno panongu kuxu kivi ghili kusajeku lo Pa zukuvu kije shinani. Atsakukugha hipau lono Khristo Jisu shou pulubecekemiyo shou kiumu akipimi kuhakeu shuphevetunani, “kughengu panongu ye ashi kuxu kiqi lono kumono aghungu kuxu lono checekemiyo ke ghenguno” (**Rommi 8:1**).

Atsakukugha lo ahzakutsu 10 pesu kughanani (**Jems 2:10-12**), kughengu Pa zahkutsu hipau hexaveku pesu axine ipichenike ghenguno (**1 Johan 3:4**) Jisu kupulu lono Pa wu timiqo ye Pa zahkutsu shikuputsunani (**Rommi 8:3,4**). Ahzakutsu hipaço ye papekumlapuke ipivekemiyo ye Jisu shou lipiveake.

Atsakughanikeu ghili ningu lau kutughuvsua (**2 Timothi 2:9**) Qhuchileluvekemi akimithemiyo ye axine no shikuchhubevetsu keu yeghiqha lakhi launo kungugha lo ighinani. Kungumiyo no eno ikiqimokeu yeghiqhaço no Alhou kukaqha lo itaghi axine ide ipeginikeu msa akeu ghenguno atsakukugha hipau lono qhaqhilei eno mutsuqhei pephe piyesu vetsunani. Kumtsu pelo pututano khochilepe nani. Alhokuthu lo Satan no Alhou ye amikuchokumoke, aloghukighide likhike, kimiye chemoke eno kuchou shichemokepi nguku acheni. Tighenguno ishi phujukeu tsakukugha hipau lono Alhou ye axinemiyo shou kiu kumsu eno kiu mla achenikeno kumtsu nhekithe lono mutsumishei xathavenani. Hileno Alhou ghushoghili eno Pa ghilisuqe mutsumishei pephe piyesuve nikuono akimiji ighono akhoto shi ani (**Piyekusu 11:16-19; 15:2-4; 16:5, 7; 19:1; Danel 4:36, 37**) Pano hitoi axiala mutsumishei kughathavetsu eno xathatsukeu ghenguno akishe eno shikimithikeu pesu Alhou tsu ani.



## 4

## Jisu ighimphi zuuno phujuakeu tsakukugha hipau lo kishi timiqo kumla kughutha phujunani, eno kishi xathananikea?

“Alhou no akumla kumtsu atsakukugha lo suipegthinani, tuqho-tughou kumla akivi shiaghiepina alhokusa kumla shi aghiepinamu kumtsu pephe piyesunani” (Yetsapiu 12:14). “Aghibo ngo anaghabo kuma kinikujo tishi kumtsa thuu aghipelo ... timi Nu no Pa ghinimiqo puunani, eno panongu pelo Pa kukaqha lo pimi chekemiqo launo panongu xapheluvepe nani” (Mathi 13:30, 41). “Julo, Niye itheno cheni, eno I saxu I gholo pe ighinani, eno pututa kumla kiqi lono tsunani” (Piyekusu 22:12).

**Khokichile:** Luthu lakhikhi kuxu lo kumlaqo kumtsu qhaqhilei piyesunani. Tuqho-tughouno eno kusuuno mla puakeqo kumtsu piyesunani. Kunguu pivekeu toi atsakukugha atighiu hipau pesu phujukeu tsakukugha ipi ani. Atsakukugha hipau lono Khristomi khunogo xalunanikeno mtsumishei shivenani. Ishi hi phujuakeu lo khunogo jeh aghimlovenikeno tipaqo ye mutsumilei puhavekeu lo ngova. Ningu kumtsu kimiyeno xaluvea, ikemu asaxu ye pututa kumla kiqi lono tsunani. Tileno Khristomi akupulu lo tokhoi pape cheghikemi phuphelunani (Jems 2:26).



## Ashekhau kughathabenkeu kokutha akiniu

5

Piyekusu 20 lo, ampe 1,000 kungugha lo kughathabenkeu do aghuloki lo khiunogono ilo chhosunanikea? Eno hi kughathabenkeu lo kokutha akiniu kimiji ye kiukea?

**"Akimithemiqo no ayeghiqha shou kughathabenani ipikeu nongu ye mtha aphikeshea?" (1 Korinthiami 6:2, 3). "Ino akukalakuqo ithulu eno panonguno tipaqo shou iqave, eno kughathabenkeu kumla pesu panongu shou pichebeve" (Piyekusu 20:4).**

**Khokichile:** "Akimithemiqo" – tiqheli kumtsu lo xaluvekemiqo khunoqo Khristo no akiniu ide ighikelono sasú kungugha lo ikuvekemiqo no hi ashekhau kughathabenkeu kokutha akiniu lo ilo chhosunani. Kumsujukelo akibo lakhi lo panonguno qhuivu chekeu nu ghiqhivekeu ye kungugha lo aghimove ikemu ghikiqhiuye aghinikelo tile kiukishikeu keno khokichile avehu shinani. Hi kughathabekeu kokutha akiniu lono titoikeqo kumtsu khochiletsunani. Satan eno pa ghinimiqo kumtsu sukuqha puzu ayeghi lo puhavekemiqo kumtsu kuxu ghili xaluvekemiqono phukideju nani. Luthu lakhi kuxu ashekhau Xakuthami lo panonguno Jisu wu Xakuthami lo pulosvenani. Puhavekemiqo no xu achekelo panongu ye Jisu qechekeo maye kutami qechekeno phukideju puzu panongu luthuno kisheluku kiqi lono xathavenani (Piyekusu 22:11, 12). (ampe 1,000 kiphi loghi phukideju akeu ghili akiphi kichekutsu 12 loghi ithulunani)





## Askehau kughathabenikeu kokutha akuthuu

# 6

### Askehau kughathabenikeu kokutha akuthuu ye kughouno eno khileno phujunani kea? Kughathabekeu hipau lo khunoqono ngonanikea?

“Tipau tsala lo Pa pukhu no iq i Olive naghuto khikhi Jerusalem gizu lo akeu shou puthugho nani ... titoi Ampeu l Lhono no ighinani ... ayeghi hu Geba lono iq i Jerusalem apeu akeu Rimmon kutolo hokulaqave nani” (Zekharía 14:4, 5, 10) “Ni Johan no akimithe phughi, Jerusalem akitheu kungugha lo Alhou launo iqighikeu ithulu” (Piyekusu 21:2). “Kughou ampe 1,000 ashekha shivenikeno, Satan no ... wuno shiyehqo pishiqhiluve nani, eno pekutsu sasu aghushiqqa lo iloghinani” (Piyekusu 20:7, 8).

**Khokichile:** Hi askehau kughathabenikeu kokutha akuthuu ye ampe 1,000 ashekha shivekemtsa ayeghi lono shinikeu Piyekusu 20 lono ithulu ani. Tile Jisu no akimithe phughi Jerusalem akitheu lo ilo ngono iqighinani. Tile ayeghi lo Satan eno pa ghinimiyo aghinani. Ampe 1,000 ashekha lo ayikusami kithimiyo xuchileputhuve nani (Piyekusu 20:5) Satan no pishiqiqhi muqu pesu akuka kughushu lono timi tipaqa lau pikulha nani, eno akumzakepushi panongu pishiqhiluve puzu akimithe phughi leluvenikeu kupughu shivenani.

# 7

### Hipau shelo kiu shinanikea?

“Panonguno ayeghi chekuqha kumtsu lo wuno akimithemiyo ghazu qhuivu chekeu phughi hu leluvenike ghenguno boluvenani (Piyekusu 20:9).

**Khokichile:** Ayikusami xuchileputhu puakemiyo no akimithe phughi hu leluvenike ghenguno boluvenani.





# 8

## Kiuno panongu ghukishi kupughu lakhavenani eno tipau visavili ye kiu shinanikea?

**“Ino thivekemiyo, kitilami eno kijemiyo kumtsu Alhou gizulo puthugho akeu ithulu, eno kakuqo lhaphepe qhi, eno kaku kutau ghi lhaphepe qhi, tipauye akuxupu kaku. Eno kithimiyo shou panongu kumla kiqi lono kughathabeve, kakuqo lo panongu kumlaqo Yekikithi puaghikeu kiqi lono” (Piyekusu 20:12). “Ningu kumtsu Khristo wu kughakutha lakhu zulo puthughonani” (2 Korinthiami 5:10). “Ino xu achekeu toi, ipi Ampeu no pi, akhonhe kumtsu l gizu lo qoqhunhe nani, eno kumtsu no Alhou vilo piphenani, tishieno ningu kumtsu no pututa kumla ghili kihipe Alhou tsunani” (Rommi 14:11, 12).**

**Khokichile:** Zuleno, paikhavi Alhou no aphughi shou suqhe ithughinani (Piyekusu 19:11-21). Tileno kuchou hu pephe piyesunani. Ayeghi hukuthu nguno huthuno puhavekemiyo kumtsu, Satan eno pa ghinimiyo kumtsu suno Alhou kughakutha zulo puthughonani. Anhethi kumtsuno kukamiyo shou Akukau gi lo jupukunani (Piyekusu 20:12)

### Luthu lakhi kuxu ghili jukidenani

Hipau tuqhudo lo kipitimi totimi kumtsuno ghuthu lakhi panongu kuxu ghili jukidepe nani. Alhou no panongu kutughutsu, amulo pebidelukeyu do kivi tsu, tipau sutsa hu itehi kutolo ningu kini lo pisutsu aphi, ningu pelo akuxu pekililuve penkeu do kivi tsu ani, ikemu panonguno tamono tuchileve. Alhou no ayikusami puhavenike kutovekemiyo pelo kuchou hipau ghili vethalukepu do tsu nani. Pano ado kivi panongu tsu ighikeu panongu lolo mutsumishei kumsulupenikeu shi ani. Panongu kuxu lo kumla kughutha kumtsu kaku lo Yekikithipe qhipuani.

### Nhavamla momu kusuvemla

Alhou ye ayepu ayesuqo khilemu nhave momu kuzupe qhivechemo. Akiqi kuhakeloye Pa ye khiumu kutsakungovekeu shichemo. Paye khilemu kusuuno mlakeu shichemo. Kumtsu lau qhaqhileu shicheni. Akuxu kua lhoux kumtsuno akivi alhokusa ghinimi kungumiyo ghiliyo (dramas) gholo aghili (Drama) hipau junani. Tilehi puhavekemiyo panongu khonhe shou qoqhunhe nani. Tilehi puhavekemiyo gholo lakhino zuleno pa khonhe shou qoqhunheno , Alhou ye pa shou kiu lhokusamu shipuamoke ipi pekipheshi piphe ithughinani. Ikemu pa mulo kumka eno pa qhekuza ghenguno Pa ikhilumoveke ipinani. Titoi aqha kumtsulo ayikusamiyo, eno alhokusami kungumiyo





kumtsuno pututa ghili piphenani (**Filipiami 2:10, 11**). Aqokithi, akughutha kijeshi igi akemiyo, ayikusamiyo, kungumi aghinimi alhokusamiyo Satan ghola kuqhano Alhou gizulo itsaqi pishiqho nani (**Rommi 14:11**). Kichileu lono akipimi tsu eno nguku chekeu hu itehiye mutumishei Alhou jeh piphenani eno Paye kimiye kinu Lhou ke ipi panongi kichi ampi lono thopi tsunani. Kughengu Alhou ye titoi panongu kimiye no tucho mujo ighikeu panongu lolo kumsulu igi anike.

### **Panongu ye puhavekuzuke ipi piphenani**

Kumtsu no panongu ye puhavekuzupu shivekeu panongu kichi lono piphenani. Panongu kutoshino niye axine shicheke, niye puhaveana oe ipi piphenani (**Hosiya 13:9 KJV**). Alhou gizulo eno ayeghiqha zulo qhaqhilei puthugho akeqo timi asale asale kihikha kumlaqono no Satan no panongu pishiqhi chekepi akipimi pa tsunani.

9

## **Ayeghi hipau lo axine shipuhaveke thi amikuchomiyo ghenguno kiu toikeu ki kutopuatsu anikea?**

**“Panongu no ... akimithemiyo ghazu boluve ... eno kungugha lono ami iqighieno panongu chuve. Satan khiu panongu pishiqhi chekeu hu kughapesu amiyizu lo vesuve”** (**Piyekusu 20:9, 10**). **“Tite ayikusamiyo ye ... nongu pukhunepa qholo ayevu amukhu shivenani”** (**Malaki 4:3**). **“Julo, lno kungughaqo akithe eno ayeghi kithe lakhi lhophenani”** (**Isaya 65:17**) **“Ningu ye kungughaqo kithe eno ayeghi kithe khile amikuchomiyo no ngonikeu laju acheni”** (**2 Pitor 3:13**). **“Julo Alhou chinehki ye timiyo ghola ani, eno Pano Pakutoshi panongu ghola achenani”** (**Piyekusu 21:3**).



**Khokichile:** Kungugha lono ayikusamiyo shou ami ikughinani. Ami tipauno ayeghi lo axine eno axinemiyo kumtsu shipuhavenani (Akiphi kichekutsu 11 loghi julo) Alhou timiyo ghenguno hipau do ye amulokusa eno amuloghimepu lakhi shinani, kughengu ami no pitiqhi akeqo ghola thosulo pano kusa-pami, abolomi asholokumi panonguno kimiye chekemi aghinani putsake ghenguno. Ampe kutomo lo panonguno kimiye eno susho chekeu nuliyo puhave akeu ithulukelo sushotsu eno tuchotsu chekeu kungumiyo ghi panongu mulo imevenani putsu. Ado kushuwa panongu kimiye eno kutuu chekeu Jisu Khristo ghi Pano kimiye chekemiyo puhave akeu ithuluno Pa mulo imevenani. Apuh Alhou kumtsu Lhou ghi panongu kutoshi puhave niku kishelukeu ghenguno Pa mulo imevenani.

### **Kungughaqo kithe eno ayeghi kithe**

**“Tite Alhou no panongu nhethi lono panongu nhezu isuvetsunani”** (**Piyekusu 21:4**). Eno Pa wu kimithemiyo ghenguno kungughaqo kithe eno ayeghi kithe lhophetsunani, tishieno Pano lhokta panongu ghola xucheuve nani.





# 10

## Puloshoghi aqau chinehki lo zuqhushi mlatsu chekeu tsala (day of atonement) lono Alhou no kishi ayeghiqha lono axinego shikimitheveno kuqhakulu lo sasu ighivenikeu kupughu shipuaniepi kea?

**Khokichile:** Akiphi kichekutsu 2 lo Satan no akumou lono Alhou nguku eno Pa khuchekeu (challenged) ghili philuvea. Satan no kishi axine ayeghiqha lo suiloghivetsukeno tipau ghili ithivea. Khaghi Israel chinehki lo zuqhushi mlatsu chekeu tsala lo kumlaqo vechewono ayeghi lo axine shipuhave puzu thokha Alhou kupulo lo suighivenikeu kiche puwotsu chekeu kukhuayehqo hu ayeghi lo chinehki lono peitha che:

- A. Ampeu ghenguno qhibelukeu ne ghiqhieno tipau jih pesu timiqo xine qhukimitheve momu shikimitheve keu kiqi shiche.
- B. Achine tou no ahji tipau pesu ilo shishe akimithe chebo lo kimiyekeu lakhu zulo mlache.
- C. Hipau ghola lono kughathabeve che:
  - 1) Amikuchoqiqo pelo pano xine ghili ithitoiluve chepe
  - 2) Amulopebidemo kemiqo hapheve che
  - 3) Ampe kupuju lo axine ghili Yekikithi puachekeu hu Achineki lono ikhiveche.
- D. Axine Yekikithi puakeqo kumtsu pesu ghapheu ne shou shupukuveche.
- E. Ghapheu ne pesu wo aghasaqha lo phesuve che
- F. Hitoi Achineki lo kumla lono timiqo xine shikimitheveche
- G. Kumtsuno ashi aghungu lo mithemigheikeu lono ampe kithe huthuve che



Kichekipiye hipaqo ye ighinikeu lo kungugha chinehki lono shinikeu yekukhu kichepuwotsu cheke. Kungugha chinehki tipauye kungumiqo no wo kumuqo chekeu oking lakhi ke. Kunguu akiqi atighiu kiche piyesutsu akeu ghili hi aqhou akiqi atighiu lono pitsu ani. Kunguu akiqi akiniu kiche piyesutsu akeu ghili hi aqhou akiqi akiniu lono pitsu ani.

- A. Jisu no axinemiqo ghenguno aghakishi kithi shivetsu (1 Korinthiami 15:3; 5:7).
- B. Jisu no ningu Chineh Tou shieno timiqo xachilepe Alhou julho (image) lo suvetsu (Ibrimi 4:14-16; Rommi 8:29)
- C. Kughathabekeu hipau lono timiqo xine Yekikithi puakeu akivi eno alhokusa phujuveno yehkikithi tipaqo kungugha chinehki lono nuxave momu ikhivenani (Piyekusu 20:12; Apostolmi 3:19-21).
- D. Satan no amakho luno timiqo pelo axine shipe eno axine shipenike hakutho.
- (1 Johan 3:8; Piyekusu 22:12)
- E. Tughami ye ampe 1000 ghenguno aghasaqhalo hasuve.
- F. Tughami ngo axine, eno khiuno axine shichenikeno panoqo ye shipuhave. (Piyekusu 20:10; 21:8; Leshele 37:10, 20; Nahum 1:9)
- G. Alhou timiqo ghenguno ayeghi kithe lho. Axine no thime kivi kumtsu puhave keu hu Ampeu u akimithemi lau sachilesaghive tsu. (2 Pitor 3:13; Apostolmi 3:20, 21).


Axine iloghimphi zuu ayeghi ye kiu bekutha lo achekeno tipaço kumtsu luchilepe inahuu tho lo suighilumpho kutolo zuqhushi mlachekeu (day of atonement) kumlaye tamono tishi mla acheniaphi.

11

## Akiphi kichekutsu hipau lo sutsa kivi piyesu puakeuye kiu kuea?

**Khokichile:** Ninguno sutsa kivi ghiliqo pekughukho tsu ani

- A. Alhou no axine sasu kupughu chekeu hu ayeghi hipau launo qhoi shipuhavetsunani. Kughathabe akeu kimiji akijeu ye hipau ghengunoke (**Piyekusu 19:2**)
- B. Kughathabe keu kumla hipaulo Alhou timiqo pulou shitsunani (**Danel 7:21, 22**).
- C. Amikuchomiyo ye alhokuthu ghenguno axine launo xapheluvunani (**Piyekusu 22:3-5**)
- D. Axine qhoi shipuhavenani, akiniu khilemu ide ithughimonani (**Nahum 1:9**).
- E. Adam ngo Eve pama no puhavekeu qhoi luchilepe qhuchileluvekemiyo tsuvenani (**Piyekusu 21:3-5**).
- F. Ayikusamiyo ye ayevu amukhu shivenani kethono khilemu lhokta shikighime amonani (**Malaki 4:1**).
- G. Kughathabekeu kumla hipau lo Jisu no Xakuthamiu shinani, Zuqhushi pikutsuu



shinani eno Thopiu shinani (**Johan 5:22; 1 Johan 2:1; Piyekusu 3:14**).

- H. Apuh ngo Anu pama kinikujo ningu kimiye acheni, ikemu Satan ye ningu nguku eno akipimi tsu acheni (**Johan 3:16; 17:23; 13:1; Piyekusu 12:10**).
- I. Kungugha lo Yekikithipe qhipuakeu kaku lono amikuchomiyo kuphunani, kughengu tipaço lono Alhou no panongu xaphelunikeu ghili kichepiyesu puatsu anike ghenguno (**Danel 12:1**).
- J. Khristo lono xuchekemi ye khilemu puhamonani. Atsakukugha lono kuchou hu mitsumishei kimichepheve tsuake ghenguno (**Rommi 8:1**).
- K. Tile Alhou ye achipi kumoe ipi timi eno kungumi khiunomu muchhomo nani, kughengu Alhou ye kumtsu lau kupukimiye eno akivipu likhi mlatsu acheni (**Filipiami 2:10, 11**).

12

Tsutsala nono omulo lo Jisu ku suno Pa pelo okuxu ghasuvetsu penike pulo aghiaye kungugha lo atsakugha akeulo oshou akipimi betsumoluvi, noye ishi omlo lo Jisu ku su lunishi anima?

**Nono khochilenikeu:**

# Nono Iniju Keu Khochiletsu Ani

## 1. Jisu ye Xachilekuluu ke ipi ikhilukeu ngo Paye Ampeu ke ipi ikhilukeu pama dolo kiuno kiyequ anikea?

**Khokichile:** Hile kiyequ akeu ighono akhoto lakhi ani. Kughou nono Paye Xachilekuluu ke ipi Pa ikhiluvenikeno Pano oxine kipimiqo launo oxapheluve nani eno opelo punukitheluvepe nani. Pano oxinego launo no pekilipe akimithemi lakhi shivetsunani. Akikili hipau ye ighono ajukuvupu eno akichighikepu lakhi shinani. Xachilekulu kumla lo hipauno ighono akhotoshi ani. Hitoi shimokeloye khiumu xakulu lo iloghimla nani. Jisu no akiqi kutau lakhi tsupuakeu ghi ani. Noye punukitheve mayesa, Pano oghenguno pughu puatsukeu lo noye okuxu pekilipesu Pa kuxu kimihl lo iloghivemsayesa (**Efesiami 4:13**). Kughou nono tsala pekighi kuxu lo Paye okuxu lo ayehekipeu lakhi ke ipi Pa ikhiluvenikeno tithiuye Pa ye okuxu Mpeu shiveake. Pano akichiqhikepushi okuxu pekilivetsu nani, eno opelo kikimiye lo alau thuluvepe nani, eno nono Pa lau tokhoi lumpi kutolo opelo Khristomi kuchou lakhi shiluvepenike okuphutsu nani (**2 Pitor 3:18**).

### Ni laghi lo- kushokutsupu ani

Kushokutsu tipau ye nilikhi ni kuxu peithauvekeu. Baibel no hipau pesu akipimi eno axineke ipi (**Isaya 53:6**). Jisu pelo ni kuxu Mpeu shiluve penikeu no ighono akhoto lakhi. Puloshiqi akitheu lo Pano Ampeu ke ipikeu ghuthu 766 tsupuani. Apostolmi kaku lo likhino Pano Ampeu ke ipikeu ghuthu 110 tsupuani. Ikemu Pano Xachilekuluu ke ipikeu ye ghuthu kini likhi tsupuani. Paye ni kuxu Mpeu, eno ni kuxu lo yehkipeu Ampeu ke ipi Pa ikhilukepu vehu akhoto shi ani.

### Pano Ampeu ke ipi ikhilunishimo- eno kughuchove chekeu

Jisu ye timiqo pelo Pano Ampeu ke ipi panongu mulo lo qhipuapenishi ani. Kughengu timiqo no Pa no Ampeu ke ipikeu panongu kukumusulo qhimovenanike ipikeu Pano ithi anike (**2 Korinthiami 4:5**). Pano Ampeu ke ipikeu ni kukumusulo qhimove aye nunguye Khristomi ke, Khristo mikucho pepu achenike ipikeu likhi ye lukumkha kumo. Tishikeu lono ningu ye kuchou lo tomochhimeve aghivenani, anethi kighiche shi aghivenani, aghungu lo kumluhomi lakhi shive aghinani eno aphi kumsa aghivenani (**Piyekusu 3:17**).

## 2. Zuqhushtsukeu tsala (day of atonement) lono ningu xinego kumtsu pesu ghapheu ne shou bevetsukeu kiqu ye pano ningu xine puluvetsu keshea? Jisu likhino ningu xine puluvetsuake kumokeshea?

**Khokichile:** Satan khiu vilo ghapheu (scapegoat) ipikeno paye ningu zuqhu shi ningu xine puluvetsu mlanani momu paye ningu xine pi lovetsumla. Ampeu ne, ane khikhi Ampeu ghenguno qhibelukeu khipau pesu zuqhu shitsukeu tsala lo ghiquipe aghakishi kumlla gho lakhi shi tsukeuye Jisu Khristo no axinemiyo zuqhushi cross lono aghashivetsunikeu kichepuwotsu che, eno kuchouno Pano Pa kuxu pesu ningu xine pi lovetu. "Jisu likhi no ayeghiqha xine ikhisuuvetsu" (**Johan 1:29**) Satan no timiqo xukuthuno Alhou yehza hexave chepe kemiqo kumtsu Satan gholono puhavenani (**Piyekusu 20:12-15**). Pano (1) axine ayeghi lo suighi (2) pano axine kumla lhokusaqo shi (3) pano timiqo xukuthono axine kumla lhokusaqo shipe. Alhokusa kumla hipaqo kumtsu atsakukugha lono pa pelo khochilopenani, pesu pa makho shitsu nani eno pa pelo pupe nani. Hipau pesu zuqhushitsukeu tsala lo Israelmiyo xine kumtsu pesu ghapheu ne Satan shou shupukuvetsukeu kimighitsu ani. Atsala tipau lono Israelmiyo xine qhoi Satan xupipeveku kimighitsu ani. Tiqheli tiqheli lo timiqo no axine shive chekeuye Satan pishikiqi lonoke, tigenguno axine tipaqo kumtsu pesu Satan kipimi shitsunani, pa pelo tipau makho pupenani, eno lhokta puhavenani.

## 3. Baibel no mutsumishei shitsu akeuno ninguno piphevekeu xinego kumtsu Alhouno akipimi qhivetsunanikepi ani (1 Johan 1:9) Axine kipimi ye qhivetsuakemu axine yehkikithiqo ye ashekha do aghuloki ighimphi kutolo (Apostolmi 3:19-21) nuxavemona tishi kungugha chinehki lo qhipuanani keshea?



**Khokichile:** Tile akiqi kivi lakhi ani. Axinemiqo shou kughathabelumphi kutolo atsakukugha ye tishi kugha aniaphi. Axinemiqo puhavenikeu kughathabelumphi zuuno axine yehkikithi tipau nuxave aye bidelauno Pa kipimi shiveno sake ghenguno Alhou no panongu xine yehkikithi tipaqo panongu shou kughathabe mphi kutolo tishi qhipuaphike.

#### 4. Hamino pikeuno kughathabekeu ye cross lono kishekhaweake ipicheni, hamino pikeuno tipauye akithi lono kishekhaweake ipicheni. Ike tishi aye ninguye ishi hi akiphi kichekutsu lo tsu akeuno achipike ipilunikea?

**Khokichile:** Iye. Hipau lono kughathabenikeu do mutsumishei tsupuanike. **Danel 7** lono hipau ghili ghuthu kuthu kutolo kichepiyese puani. Hi ithilo: Alhou no kiu do kothavetsu akeno tipau shou mutsuqheimoke ipi lipi akepu kuha. Alhou no ighinikeu lo shi ipeghinikeu ashekichi lono kithipuatsu ani (**ajo 8-14, 20-22, 24-27**) Akiyehdo hipau lono ashekichishi kithi puatsu ani:

- A. Akibo aghulou kuka – AD.538- 1798 kuto.(Akiphi kichekutsu 15 lo julo)
- B. Kughathabenikeu – AD. 1798- 1844 lono iphi Jisu no ide ighinike kutolo mla aniaphi
- C. Alhou kukaqha akitheu - kughathabeve kemtsa hipau puthuvenani

Alhou ye khilehimu akithi lono momu cross lono kughathabekeu kumla ashekha shivea ipi puamo, ikemu AD. 1798 lono huthuno iphi Jisu no akiniu ide ighinikeu do lono kughathabekeu kumla shinikeu pipuani. **Piyekusu 14:6, 7** lo kungumi kuthu tsape phijulo. Hilehi pi akeuno “Pano kughatha benikeu do ighivae” ipi ani. Alhou do aghuloki kishekha lau timiqo no ayeghiqha lau Alhou jukuvu shitsulo, kughengu Pano kughathabekeu kumla hu itehi mla anike ipi kutughutsu ani.

#### 5. Ninguno kughathabekeu ghili phi ighikekelo noye kiu alah shilukea?

**Khokichile:** Hile akiqi pungu akeu ghili ithilo

- A. Alhou ye hipau huthunikeu do kushuwa luve, tishi aghiepinamu Pano ado aghuloki pughu puakeu ye achipi lono shikupunani. Puhavekeu timi khiunomu “niye hipau ghili vethamlaveke, momu niye hipau ghili mthaveke” ipilumonani.
- B. Satan no alhokusa laghi ajeli kutomo lono mlachekeu kumtsu atsakukugha lono pephepiye nani. Kughathabenikeu ye Alhou kumla, eno Pa ye kughathabenikeu kuchouqo kumtsu pekutsupe ngokhe ani. Nongu no kutami lakhi shou kughathabeve akeu ye achipi kumo, kughengu tishikeu ye Alhou yehkipe kuka suxa anike, kughengu kughathabenikeu ye Alhou wu lo likhi anike.
- C. Ningu pelo kishi Pa sasu kuposhu eno kuthsukimepe xu amayesa eno kishi Pa qe eno huthumayesakeno ningu pelo ililai kishelu penikeu Alhou no ningu lolo lhosu puatsu ani. Kishekulu ye ningu wu ke. Ninguno Pa pulou kumo kisheluve aghinikeu huno ningu ghenguno kumsapu lakhi.
- D. Alhou no ningu kimiye ke hu Pano Danel eno Piyekusu kaku ningu w lo qhitsuano ningu pelo kaku hikuma kiphil chechewono ashekha tiqheli ghili ithilupeke. Kaku hikuma lo tungkuputsa tsupuakeu philu, chilu, eno papekemi kumugha.
- E. Satan ye qeti ningu kumtsu kutsavenike pughu acheni. Pa wu pishikiqi muqusuqe ye ighono kije, mishishei eno ighono thonheike, tishi aghiepi namu kutomono pa wu pishikiqi lo ilomonani, ikemu tile akhoto lakhi akeuye Jisu Khristo xuchilekulu kuka vechewo likhino kumonapi aye ningu ye tsala kipe kuxu lo Satan lichhe lo ilovekulupu mlalei ani. Kutokupui eno lotsuloghui shilo, Satan no ningu kutsaveno sake.

**Hilehi okukumsu eno injuakeu pitsulou**



15



16



17



18



19



20



21



22



23



24



25



26



27

## Akiphi kichekutsu hipau ghi akiphi 27 gholo lakhike.

Akiphi kumtsu lo akumzapu kuchouqo no chhitoi ani, hipauno no eno no kibolomiqo kuxu pekilivetsukulupu anike. Akiphi lakhimu vezuve kevalo.

- Akiphi kichekutsu 15:** Khiuno Khristo ghumikea?
- Akiphi kichekutsu 16:** Aqha lono kungumi tsapeqo
- Akiphi kichekutsu 17:** Alhou no akupughuqo shi
- Akiphi kichekutsu 18:** Ado achipi lono! Tungkupu sukusu piyetsu
- Akiphi kichekutsu 19:** Ashekhau kughathabenikeu
- Akiphi kichekutsu 20:** Tughashi michipu
- Akiphi kichekutsu 21:** Baibel Tungkuputsa lo USA
- Akiphi kichekutsu 22:** "Totimi" kutau lakhi
- Akiphi kichekutsu 23:** Khristo nipu-kulaliu
- Akiphi kichekutsu 24:** Alhou ye ayepukighithimi eno akuka kutau pe akemiyo lau muzusutsu keshea?
- Akiphi kichekutsu 25:** Ningu ye Alhou shou pukhu anima?
- Akiphi kichekutsu 26:** Kikimiye huno pekiliwetsu
- Akiphi kichekutsu 27:** Ide ighima

Noye niu Akiphi Kichekutsu-u 14 ithuluvama? Ithulu mono aghi aye, akiyeh tsulo:  
Amazing Facts India, Post Box No 51, Banjara Hills, Hyderabad-500034



- 10) Kughathabe akeu lono sutsa kivi ipeghikeu thimeliqo ye kiu kea? (5)**  
 Kughathabekeu lo akimithemiqo ikhilutsunani Satan (devil) ye amiyizu lo alhokuthu pitiape nani Axine ye khilemu ide ipqeghimonani Axine ye ighinikeu lo itaghi mlalei huthu ipeghive luvi  
 Jisu no ningu wu Xakuthamiu, Zuqhushipikutsuu, eno Thopiu ke  
 Alhou no axine eno xakulu shou axiala mutsumishei pephe piyesuve nani  
 Adam ngo Eve pama no axine shivekeu lono puhavekeu kumtsu luchileve nani
- 11) Kughathabeve keu lo Satan no ghapheu shikeu kiqi ye kiu kea? (3)**  
 Pano axine hukuthuu ke ghenguno pa ghimeve Pano timi kumtsu sasu axine lo iloveke ghenguno Ni xine isuvetsukulupu kuka pa lau kiumu kuha Satan ye ghapheu shimopi tuchileveno pove nani
- 12) Kughathabekeu ye xathakulupu kuka akeu kumo, ikemu tipauno timiqo pelo Jisu huthunikeo maye ampeu kutami huthunikeno kishelupe nikeu shikumtotsu cheni (1)**  
 Iye Moe
- (13) Kughathabekeu kimiji ye timiqo lau, Satan lau, akivi eno alhokusa kungumiqo lau eno ayeghi aqha kutauqo lo kughuna kuamiqo lau Alhou mikucho Xakuthami piyesutsukeu ke. Alhou ye axine hukuthu lonomu ighono alokutsu shieno achipi lono eno amikucho lono xathatsuke (1)**  
 Iye Moe
- (14) Tsutsala nono Alhou pelo okuxu lo ilo chhosutsuno Pa wu ghakusu qholo ngonike pulono Pa ku suaye Pano kungugha lono kughathabe akeu lo noye akipimi kuhake ipi pephetsunikeu piqhi puani. Noye ishino okuxu lo Pa ku sulunike pulo anima?**  
 Iye Moe

## Kungu inju puakeqo achipilo khochile tsulo!



### Tilehi kihisuvani keghenguno oje, email eno thepiu kikihi sulou.

Owu akiphi kichekutsu KUMUSA no ithuluni keghenguno "Sulou" lo inalo.

<b>Oje :</b>	<input type="text"/>		
<b>Owu Email :</b>	<input type="text"/>		
<b>Thepiu kikihi :</b>	<input type="text"/>		
<b>Okungo-a :</b>	<input type="text"/>		
<b>Aphugui, District :</b>	<b>State :</b>	<b>Aghaqhu :</b>	<input type="text"/>
<b>Pin :</b>	<b>Apunu mpe amqo:</b>	<b>Gender :</b>	<input type="text"/>

Anile shi no kusutsa nikeu tipau tsulou